

Парти килмджд

Мана агъу ик Тӧрскнӧ кӱчн-чидл-нь джил ирвӧс ӧсӧд йовна. Советск олн ӧмтн промышленности, селӧнӧ эдл-ахун, наукин болн культурин делгрлтин халхд кӱцгдсн кӱцмджсӧр йоста кевӧр бахтдж чадджана.

Селӧнӧ эдл-ахун агъу ик делгрлтин тускиг мана артели селӧнӧ эдл-ахун ӧслтин ӱлгӧр ӱзӱлджӧнӧ.

Сӱӱлин джилмӱдин эргцд колхозин малин шим-шӱӱснӧ зӧвӧр ӧсв. Зугл эн джилин 10 сарин эргцд саалин ӱкр болгънас 2 мингън 184 литр ӱсн саагдсн. Нидн джилин туршарт саалин ӱкр болгънас 2 мингън 100 литр ӱсн саагдсн бӧӧсн. Саальчнр Г. Цымбал, М. Кривко, Л. Нестерова ахта, саалин ӱкр болгънасн 2200—2300 литр ӱс саачксн бӧӧнӧ.

Колхозин хӧбчнр 100 хӧн болгънас 110 хургъ авад, хӧн болгънас 5,3 килограмм ноос киргъдж авцхав. Ах хӧбчнр А. Е. Зайцевин, В. Зельин, Е. Х. Райзвисин бригадмуд нег ӱлӱ сӧн дилврмӱд кӱццхӧв. Эдн 100 хӧн болгънас 115—200 хургъ авад, хӧн болгънас 5,5—5,7 килограмм ноос киргъсн.

Хӧбчнрин ӱвлин хош болгънур малд ӱвлин туршарт кӱрх ӧвсн болн солом, малин хотин гуйр, буудя зӧӧгдв.

Колхоз государствд эн джилин 10 сарин эргцд, ниднин джилин ирлц-

ннгӱ цагт хулдгдснас 1625 центнер мах, 67 мингън центнер ӱс, 23 мингън 500 бндг, 200 центнер ноос икӧр хулдсн. Селӧнӧ эдл-ахун эдл-уш гаргългън икдснӧ ашд, колхоз эн джил 6 сай арслнӧ мӧнгнӧ ору авчана, ӧс гидж нидн джилин оргъас 1 сай арслнӧ ӱлӱ авгдхн.

Колхозд ик гидг тослтин кӧдлмш кегдджӧнӧ. Эн джил 3 кошар, шовуна 2 гер, нег кецин мастерскойн гер удлго тосгдхн. Колхозникӱдин тӧлӧ сӧн 30 гер тосгдв. Колхозин ӧмтн бӧӧршсн пункт болгънд радио оргулгдв.

Колхозникӱд советск олн ӧмтнӧ бӧӧӧхта бӧӧдл-джиргълин тускд Коммунистическ партин ӧгдг килмджин хӧрӱд улм шунлттагъар кӧдлӧд, БПСС-н ЦК-н декабрин 22-т болх Пленумиг бӱч-кӧлснӧ шин дилврмӱдӧр тосх шиидвр авб. Саальчнр Г. Цымбал, М. Кривко, А. Гончарова ахта, БПСС-н ЦК-н Пленум селгдх ӧдр кӱртл саалин ӱкр болгънасн 2500—2600 литр ӱс саах даалгъвр авб. Селӧнӧ эдл-ахун эдл-уш гаргългъар болн энӱг государствд ӧглгъӧр авгдсн даалгъвр нертӧ кевӧр кӱцӧгдхн лавта.

А. ТУРЧЕНКО.

Яшалтинск района «Заветы Ильича» колхозин партин организацин селӧтр.